

呂
子
評
語

呂子評語正編卷三十三

孟子萬章下

孟子曰伯夷目不視惡色章

孟子曰伯夷聖之清者也節

清之上再舉頭看聖之兩字乃得要之清字原不同也。

聖人所爲使于天理人心有絲毫未當處便不可謂之聖。又何有于清。清字從聖字看出。謂其於聖人中較分明嚴肅則清處爲多。非謂其以清爲聖也。勿寫入孤高一流。作獨行傳贊去。

清字從倫常義理界限分明處看方是聖之清。

是聖之時。不是以時爲聖。

聖之下加箇清任和時。纔見孟子辨析之精。言語之妙。聖所同也。清任和時所獨也。若說孔子以時爲聖則時字便小。聖亦不大。

惟清任和各露在聖外。故皆見其偏。惟時字加出聖外。故獨見其高。并聖字亦高一層矣。卽是下文聖由於智之義。

只一時字。包得三聖。惟其智也。

時之義。正在變化不同處見。有統看。有拆看。統看者。千古只如一時。而元會運世。春夏秋冬。無所不有。拆看者。一時各有一天。而治亂寒暑。晝夜呼吸。無所不分。

唐順之文學未至乎聖。而遽欲爲其時。則心無所主。或反流于猖狂縱恣者矣。漢儒反經合道之論可鑒也。**曰**聖之時。先須得其聖。而後論其時。此意好。**又**時非聖人不能用也。**曰**時字是聖人勘語。道著用便不是。聖人亦無用時意。**又**至聖之所以爲聖者。不外乎中而已。**曰**提出中字。正見發明。看末節註。三子智不足及時中道理自得。張評不必拈出中字。此俗服講究。非學者

正法也。時之妙正在中。不知中而言時。未有不流於猖狂縱恣矣。此正荆川精于理學得力處。爾公何足與言此。此種說數。似乎高老。足以惑後。故辨之。

自古未有以聖稱三子者。稱之自孟子始。是孟子實實見得如是。故是爲千古定論。評家每謂孟子欲尊孔子。故聖三子以極尊之。是三子之聖。出於一人之私。而非萬世之公。并孟子亦權用。而非尊信之實矣。此等議論最害道。竊嘗論三代以後聖人。惟明道文公爲第一等。惜無孟子其人出而定之耳。

孟子願學孔子。而其任處氣象實似伊尹。故其稱尹處尤極精采。割烹太甲二章。闡論嚴正。微旨可見。或議孟子勸齊梁爲湯武。爲不可訓。此小儒齷齪之論也。伊尹孟子所見在天命民心。小儒所見但在名位。此正有伊尹之志與無伊尹之志分辨處。霍

光學伊尹而安漢王莽學周公而篡漢若伊尹孟子不可訓則周公更不足法歟

孔子之謂集大成節

集字包衆小成在內

金聲而玉振之也解集大成之所以然開下聖智之事孕下聖由於智之意

金玉二者在衆音之外只一川而已

則有迭爲宮角之理苟有兩胡而無清越有隆大而無纖微是失其所以迭爲之本也旋宮雖小成獨奏亦然不切集大成集大成謂兼統衆小成耳兩胡清越隆大纖微咸備是已却不論迭爲之本

凡樂皆有終始。惟金聲玉振爲衆始終之始終。凡聖人皆有知聖之事。惟孔子知聖之事能包函羣聖人知聖之事。時人止道得聖人必以知始以聖終一層。不是看得孔子與三聖無異。便看得三聖人於知聖之事有虧欠矣。三聖原無虧欠。只是孔子更全備變化耳。

歸有光文窮理盡性以至於命。而知之皆真知。**圖**真知二字不切。清任和皆真知也。孔子之知更全且盡耳。

凡聖皆以知行爲始終。但非集大成之始終耳。

三子自有條理之始終。却與始條理終條理之始終不同。所重在條理皆貫耳。

上節分列聖號。言各造其極。聖字之理已明。此突出个智字。正分別孔子之所以兼三聖處在乎此。

上言論卷三十三
上是疏集大成三字。就樂說始條理者以下。方轉合到孔子身上說。亦共曉也。忘却條理二字。一任說知說聖。總不切孔子一句矣。蓋條理各有始終。惟金玉又總始之總終之。猶三聖各有知聖。惟孔子能包舉之也。此旨分明。下節聖由於智之義已隱隱逗漏。

理無不全。只是人心之明收拾不盡。下節之意卽從此見得。

智譬則巧也節

上節聖智分說。此節說聖由於智。而首二句尚平列。巧力欲重不得。

附末二節文

惟時聖能合三聖之全。智異而聖益不同也。蓋孔子之異于三聖者。實以智聖合三聖之大。而其所以能合者。則尤在乎智也。觀

之樂復觀之射不可得其獨尊之故哉。且以天下視聖人。凡爲聖人無異也。以聖人視聖人。而後悟聖人亦自有其偏全焉。不知一聖之全。不知羣聖之偏也。不知一聖之所以全。亦不知羣聖之所以偏也。觀其後見并包之量。有甚宏邇其先見本源之際。有獨至。此其說可善喻而得之。吾列敘四聖而分系之以名得無謂清任和之與時各專一聖人之號。而莫能相兼。將同類而並觀也哉。此明乎聖之謂聖。而未明乎孔子之謂孔子也。今夫春秋冬夏析之無不可以極一氣之理。而必以備序者爲元運之周。速久處仕分之無不可以盡一聖之德。而必以統同者爲變化之至也。然而時也者。循環而不見其始。流行而不見其終。是可以觀孔子之聖。而未可以觀孔子之聖之事矣。則猶未明乎孔子之謂也。孔子之謂集大成。夫春秋號樂統名金奏。詩

頌和平。必依磬聲。蓋以建中和而總條貫以降天神。出地示實。惟金聲玉振主之。何則。編金之鏗也。編石之辨也。匏土之函。胡也。革木之隆大。而無餘也。絲之哀而竹之濫也。大不揜細。短不凌長。分而觀之。始終咸具。此所謂條理者也。然八音各自有其端。而不能共爲端。各自有其止。而不能共爲止。合而化之外。有爲之綱紀者焉。則金聲所以始條理。而玉振所以終條理也。吾于是憬然于孔子之事矣。洪纖清濁。翕然萬殊。始之所以極其變也。清越和平。訥然一貫。終之所以成其章也。故有鐃鐘以宣其氣。而有特磬以飭其歸。猶之有神明以開其天。而有化裁以入其域。知事也。聖事也。孔子之集大成。以此。然而智也。聖也。不第孔子有也。知清而後能清。知任而後能任。知和而後能和。三子未嘗非知也。知清而必底乎清。知任而必底乎任。知和而

必底乎和。三子又未嘗非聖也。然而集大成必歸孔子者。非其
聖之有至有不至。而由其知之有大有不大矣。此其理猶射者
然。射而不至。直不可謂之射。至而不中。則已及乎百步之外矣。
雖失鵠焉。若毫釐。固不爲病。然有發必破的者。過之終不若其
至。而中者之巧力兼絕也。然則三子之止于清任和也。聖限之
乎。知限之乎。孔子之集大成也。聖異之乎。知異之乎。以是知賦
受之散殊。雖聖人不能無厚薄。惟克盡夫賦受之量。斯散殊皆
可以盡性。學聖者固恃有力行之功。而理道之中正。雖聖人不
能無明蔽。惟推極夫理道之原。斯中正自出于窮神。學聖者尤
貴得致知之要。其在易曰。知至至之。致知也。知之在先。故可與
幾。知終終之。力行也。守之在後。故可與存。義然而皆統乎知矣。
則智也。聖也。在孔子者一而無端。在學孔子者分而有序。

北宮錡問曰周室班爵祿也章

臣子昔者三代聖王皆起于侯伯者也。身有正天下之功。而其時之莫大諸侯。亦未嘗有亂天下之罪。使一旦舉封建廢之。何以謝元德顯功之後哉。何故處心積慮欲廢此法。**臣**吾之所因者勢也。後世子孫之所因者法也。法不足以維其勢。則治之功歸于勢。而亂之罪歸于法。是天下無賴有天子也。故定爲一切之法。使後世變吾法而得亂。則吾亦無罪于天下焉已矣。**臣**看三代聖王皆憑勢得天下。此却是大害道之言。聖王亦無以法維勢之意。其法皆天理之自然。後世多此種議論。由其胸中先有是郡縣非封建之意。而發。**臣**吾聞先王建都置諸四達之地。使後世有道具以興。無道速以敗。則其視天下猶公器也。**臣**可知無私安子孫意。**臣**惟是子孫不安。則天下亦受其亂。內

勢不重則子孫不得而安欲避私子孫之嫌而反成亂天下之勢非得策也于是分天下爲九州云云註只是天下不安子孫亦受其禍耳內勢之重亦天理自然之等殺豈爲安子孫而重哉後世舉天下皆私其子孫子孫又何嘗得安哉文以至在官者食其勞在田者食其力而皆以爲環衛天子之地註理勢固然然以此爲制度之意便悖文黃池爭長之時稱王者忽降爲伯秦楚爭伯之日並帝者仍退爲王云云註觀此爲法足維耶抑理足服耶文將欲按王國之籍而正其爵按侯國之籍而正其祿非命世大材崛起在位者不能註須聖人耳命世大才何代無之○看其經營指麾直有管仲孔明作爲氣象惜乎本領卑只在權勢功利上起脚不見三代聖人全體大用耳

自柳州著封建之論都以私意窺測聖人遂使後生讀之謂封建

爲必不可復。余以爲先王之經理彌成，不過度量宏分寸明耳。然則雖一家一邑，非此不治。況天下乎？張子宋公必不吾欺也。五兵作而殺戮多，封建制而爭戰烈，聖人豈不知之？然必不可已者，其利害有大小也。後世不知聖人深意，以一姓之私，廢生民之公，究其子孫受禍尤酷。流未有之毒於無窮，則何益矣！此余讀史至秦之銷兵爲郡縣，宋之杯酒去藩鎮，未嘗不痛恨切齒也。而腐儒猶以古爲不可行，以彼爲妙用，何不識死活哉！其亦未之思耳。

章世純文先王之班爵祿，要於足以相馭而已。**語**便只說得勢力。文臣與臣不欲其太別，不甚別，則可通協恭之義，兼可爲犬牙之制。**語**此却以暴秦之肚腸揣摩三代聖人之法制矣。臣與臣何嘗不大別，卿與中下士相較，不止十倍也。**文**千里猶終不足。

以馭百里也。先王固已無奈何矣。何何不爲郡縣。然則暴秦賀勝先王矣。聖王制度皆本天秩之自然。以爲節。爲其理當如此。不從勢力相制起見。有德易以興。無德易以亡。聖人意中。原無私爲子孫世世爲天子之謀。雖上下相馭之道。未嘗不在其中。然非其本義也。若爲子孫謀。從勢力起見。斷無出于廢封建爲郡縣者矣。然秦以後有天下者。反不及三代之長。其子孫受禍亦慘于三代之革命。而儒者猶言封建不如郡縣。並誣三代聖人之制。亦從勢力相駕馭上商量。豈不悖哉。

陳仲子封建者聖人公天下之大端。要亦以自利焉。其爵位祿入一與天下共之。然後人主之勢。蟠于天下而不易動搖。如此說只成勢利。雖曰公天下。皆私矣。豈足與論古聖人制作哉。**說**天子者自天言之。有司之大者也。**說**提一天字。便可見封建

之初。又諸侯大者百里七十里而遙。小者不下五十里而近。衆建而少其力。示易制也。此賈生利漢策。非三代以上意也。凡言封建不可行者。慮各制其國。或至戕民耳。不知戕民起于旦夕之任。不起于世享之君。令其有社稷而長子孫。夫何所不拊循以自固。此郡縣制行。天下所以多酷吏也。凡言封建不可行者。慮各據其國。或以召亂耳。不知召亂起于悍侯者小而遲。起于無悍侯者大而速。今自有其土而自戰其兵。夫何所不挾持而因以自延。秦亡之速。宋亡之慘。可鑒也。看他古今之說。雜揉參和而出之。然到底今多古少。蓋其隱微深鋤。皆今說所浸灌。而古說之至者。未嘗有聞。漢唐以來。文人多坐此耳。

天子一位節

內有公卿大夫士。外有公侯伯子男。不是必如此而後天子之尊。

爲不可及。專要尊秦以後心法也。

文子封建公侯卿大夫。原以四海之大兆民之衆與之共理。方是聖人之心。今作者盡請人防微杜漸。制馭鈴束。事制曲防。上去將先王公天下之心。爲秦人郡縣自私。漢高猜忌功臣之心。後學如此作文。真不讀書也。**評**千子之論至矣。陸機柳宗元尚不明此義。況秀才之猥陋乎。

天子之卿節

祝豐權文以內制外。以重馭輕。此亦法制之善。勢使然耳。先王何庸心哉。不然。意主外重。則侯服而稱王者有之矣。意主內重。則世卿而分國者有之矣。先王亦安能逆計其變而曲爲之防哉。吾故曰此公天下之心爲之。而非有私也。**評**後世如唐重藩鎮。宋重禁軍。都是私意耳。重內輕外。此老生之常談。而後世經國

者亦只講得犬牙相制然則立制之初已純是一團權詐又安望其後世之無弊也讀此覺如太陽當空翳靈盡消而世且必曰此老生常談也奈何也只爲偌大世界千百年來總是一個私心結成牢不可破耳

耕者之所獲節

論農夫終歲辛勤猶不免于窮飢而官司之守不耕不獲坐飽富強之利則又誰不樂在官○近日此輩橫極買一闕有至萬金者矣○庶人身辭缺畝既無望於秋成而官家之事一不當刑罰隨其后實則稍廩不充彼又何樂于在官○此俸薪工食之所以不可薄正所以責其廉也此節原只爲庶人在官者定制祿之準則從此推之則君卿大夫士之制祿義亦盡此而凡祿之制皆起於農則爵位之原亦起於農天生民而立君師

義皆包舉矣。此言外微意也。

章句 文自代耕之義不明。而吏胥募役。因得以侵奪愚民。其時公侯卿士。又但知剝民自奉。而先王重農之旨。於是乎泯矣。**爾後**世民害盡此數言。

此節根源。却在前三節結句中。

此節耕者二字直起。原從上文代耕二字生來。代耕之義。上通於君公。直至天子。亦不過代耕之盡耳。天生蒸民。俱合一夫百畝。特人各致其能。以相生。故有君卿大夫士之祿。君卿大夫士。俱合一夫之食。特其功大者。其食倍耳。皆所謂代也。叅看並耕章。此義更分明。

須知天子以下皆代耕耳。

爵祿從上看來。似推到庶人住。不知從天降下民看來。其義原從

庶人始。直推到天子住耳。天子亦代耕之極地也。

不是先王于極細碎處皆寓深心。天下大道理。原從此起。如九章之始于九九。七政之始于日行聲律之始于管吹。先王建法。必從此起。率明耕者所食之等分。以之起算。直至天子之祿。皆由此定。但言庶人在官者。以耕者以上貼身一級人言也。庶人在官者。與下士貼身一級卽中士。由此節節推上。次第分明到底。可見先王井田封建之原。都只從耕者立義。而天降下民之意。與聖人本天制度之道。亦昭然可見矣。

天生民而立之君。必足以濟斯民。而後享斯民之養。故自天子以至于一命之奉。皆謂之天祿。天祿本于農。祿自農生。故差自農始。由庶人在官者逆推至天子。止此一義。故以此結通章。不僅解在官一類也。古之天子諸侯卿大夫皆視其祿位爲苦事。今

則皆視爲樂事。惟以爲樂而民生之苦有不可言者矣。
差字之義甚廣。人自認然在此節耳。不知此節固差之根也。
祿由農差。則爵亦由農差。上次五等。卽五等六等之上次也。

周官一書。安頓府史胥徒幾許人。孟子此章言制祿之法。大國次
國小國。必說到庶人在官。而此節又提出另講。以爲差祿之始。
竊謂周官孟子。何切切以此輩爲計。自今觀之。乃知天下惟此
輩極難安頓。後世天下不治。只坐此輩無處置法耳。後世上自
公卿。下至守令。總不能出此輩圈。積刑名簿書出其手。典故憲
令出其手。甚至于兵樞政要。遲速進退無不出其手。公卿守令。
猶傀儡也。而彼實其牽線提掇者也。使一刻無此輩。則宰相亦
束手矣。是以老吏蠹胥。蝗蝻衣鉢。并爲一羣。牢不可破。如此則
天下安得復治乎。然後之儒者。商之亦久矣。如差役雇役總無

良法。周官孟子之遺意。難言之矣。

卽據周禮中府史胥徒計之。已自不少。外而侯國家臣。更多可知。想當時必先安頓此一輩。而後其上可得而安也。則周制授田多。于古亦或其一端。

此輩正要安頓得法。亦須體量其意。三代致治。未有不由此也。自封建變郡縣。仕宦如歷傳舍。而胥吏坐長子孫。仕宦素不練習。而胥吏皆諳熟典。故朝廷一舉一動。必不能出此輩之手。天下者。胥吏之天下耳。然猶五方雜用。自朱熹作相。盡以其鄉人布列各衙門。而線索始一。更盤踞深固。不可破矣。

陳子龍文周封建之法善矣。而卒有六國之禍者。何也。代耕之法廢也。故天子尊。則在官者爲陪臣。春秋是也。諸侯尊。則在官者遂爲說客。戰國是也。**說客**另是一種。如秀才失職而爲游客。

幕賓與衙役又別。但亂天下則同。文秦不師古。以吏爲師。則向之所謂說客者。盡爲深文舞法之人。不則爲揭竿斬木之徒矣。故秦之任吏。不始于焚先王之書。始于廢封建之制耳。畢竟始于焚書。故孟子亦云惡害已而去籍。

天下任道。則重在師儒。公卿大夫皆師儒也。故天子亦曰作之師。天下任法。則重在吏胥。公卿大夫以上無非吏胥之術矣。此患由井田封建廢來。代耕者之義井田封建之本也。秦以後純是在官者用事。只是任法。不得不然。非三代不用吏胥。亦不是三代吏胥天生好也。

萬章問曰敢問友章

首節

論交在今日。但有勢利耳。此挾不賢以爲賢。彼挾不貴以爲貴。幕

賓謁客。煽詡成風。詩文講學。爲維落之吠鳴。布衲幅巾。爲馬首之舞拜。相誇爲交友之大榮。恬不知恥。引得一輩小才後生。都顛狂。嗚呼。其亦可哀也已。

陳際泰文知所爲命友之意。而挾者陋矣。**評**不止一陋。**文**爲狗馬。爲子女。皆庸俗馳騁之宜。然無志于友。則已矣。夫旣謁吾徒而來。則此中之律度。似當相程耳。**評**此吳門人所稱大老官與老白相者也。今日聲氣中人。不過此一流耳。而自謂道德文章之交。豈不可恥。要知三挾中。只有挾貴一途最利也。

非惟百乘之家爲然也。節

董楨文德隆則從而隆也。如是而惠公之心安。而子思之心以安。**評**其所以安之故。以其定于天也。**文**無德以相使。卽遇有可使者。反謙讓未遑。以外釋其嫌疑之迹。則遂繆致恭于王順長息。

矣。燕昭之師郭隗亦權術耳。中庸言親親之殺尊賢之等親親之殺易知尊賢之等難知然二者皆天也既出于天則其輕重差級固有一定而不可移易假借者矣是故高之非亢卑之非諂惟世不明此義遂有謂此節末句難安頓并有增出一番幹旋者皆小兒強解事也

舜尚見帝節

凡書中而字之上必有一讀是天子而友匹夫也句略逗斷讀語意尤醒

倘云天子友宰相諸侯友諸侯友匹夫天子友天子天子友孝子懿親昆弟相友猶未爲奇惟天子而友匹夫遂成奇語

五典之內莫不有友焉以父子言之則有父事之友矣以兄弟言之則有兄事之友矣卽以夫婦言之亦敬相待如賓

矣。獨施之于君臣之際。似覺不符。而不知其于友誼較切也。
自秦漢以來。不知此義久矣。

自秦之尊君抑臣。繼以漢家叔孫之禮。迄今遂不復古。至如宋朝之寬仁有禮。而殿上坐講。當時猶以爲怪。豈勝歎耶。

用下敬上節

用下敬上四句。章意本側。然連下二句讀來。尚是平語。則此四句不第側未得。并互說不得。

附此五人者三句文

進斷大夫友德之心。惟自忘故能使人忘也。夫使獻子而有不能忘貴之友。是猶獻子之有挾也。斷以不與之友。而五人之忘貴也可知。則獻子之不挾也更可知。今天下諸公子爭下士。士應之以千百計。謂非賢公子能自忘其貴不至此。嗚呼。此正震震

然以貴收之耳。使其身生韋布。卽折節相傾納。如今日。豈有歸之者哉。友之者曰。吾以如是之貴而下士。則莫不爲我致也。其致以德。仍致以貴也。爲之友者曰。彼以如是之貴而下士。則安得不爲之死也。非死其德。仍死其貴也。蓋其視貴也重。而以輕用之。天下阿合苟容者流。鮮不爲貴所驅使。固無足怪。獨奈何有下士之德。而挾貴以行。其所得士。止阿合苟容。阿合苟容之出其門。士之所以不至也。亦甚愧于孟大夫之取友矣。大夫之友。無大夫之家。固也。使大夫而自有其家。大夫之友。亦必久矣。不與大夫友。亦固也。然亦幸而大夫之友。無大夫之家者耳。倘不能無大夫之家。卽無之矣。或陽示以貧賤之肆志。而陰感其富貴之輕身。或外飾以脫略之形骸。而中藏其精工之媚術。辱車騎于市井之間。爭飲食于傳舍之內。以就好賢之名。而成輕

侯王之節。若此者。無獻子之家。而實有獻子之家者也。於是聲聞于諸侯。而權重于國。封地日以侈。奉邑日以廣。大夫卽欲不自有其家。何可得哉。然則幸而大夫之友。無大夫之家者耳。而又不然大抵權門赫奕之氣。多成于承旨藉餽之人。居勢者不自知其勢之可尊也。有慕勢而來者。而勢尊矣。有來而善張其勢者。而勢益尊矣。推崇之事盡。則箕踞少間。遂驚其有屈已之奇。知其庭必無賢者之跡也。此固獻子之有賴乎五人也。若夫賓客諛佞之風。又多開于驕矜縱恣之主。附勢者不敢遽謂其勢之可親也。有乘勢以招者。而勢親矣。有招以益重其勢者。而勢愈親矣。頤指之習成。則迎合至深。反謂其有忘形之雅。知其人必無正直之交也。此則五人之有賴乎獻子耳。不然者。五人有高世之行。而獻子無樂道之誠。此五人者。必不得合。卽合焉。

而嫌隙生于燕媒之間。讒譖來于忌嫉之口。獻子之家。又安得五人之名而稱之也哉。且獻子以百乘之家而求友。天下聞聲影附。進于前者不可勝數。要皆求友于獻子者也。而獻子之友。卒僅以五人著。是五人以外。皆不與之友矣。其不與之友何也。有獻子之家者也。然則大夫之友。無大夫之家。其以爲幸也亦宜。非幸獻子。幸五人也。幸五人。卽所以幸獻子也。不然。此五人者。亦有獻子之家。則不與之友矣。嗟乎。世流日下。朋友道衰。布衣昆弟之好。每見棄于仕宦之時。平居道路之人。忽言歡于顯榮之日。至于曳裾侯門。雖執鞭有欣慕焉。或且挾其聲勢以奔走天下。天下不以爲非。交遊不以爲恥。若而人者。不惟孟大夫所斥。亦五人之罪人矣哉。

萬章問曰。敢問交際何心也。章

曰請無以辭卻之節

請無以辭卻之。辭字與却字不連。請字與無字不連。

曰今之諸侯取之於民也節

充類至義之盡也。本句解猶盜之云。言外見非盜之義。

曰然則孔子之仕也節

兆是端倪。端倪卽從本體流露。但有大小微顯之分耳。非于大道外。另有隱曲周旋作用也。大士文甚暢晰此旨。而不覺手滑時。又忽墮作用界去。亦熟處難忘耶。

孔子有見行可之仕節

王撰文輒大不孝。美諡以愧其心。**評**後儒之解春秋。每有此論。朱

子辨之明矣。

孟子曰仕非爲貧也章

此章論聖賢出仕之大略。盡于是矣。顧人之自處何如耳。毛義奉檄而喜。伊川不爲妻乞封。其義一也。

退之爭臣論。永叔司諫書。俱從此章脫出。

始進以正。爲貧爲道皆有之。

美官不過多得錢。此宋太祖愚弄武夫之言。不謂今日學士大夫竟奉此爲安身立命之術。

爲貧者辭尊居卑節

爲貧之仕。只合講富。如何論尊卑。尊卑所以爲貧富也。

辭尊居卑節

惡乎宜乎。抱關擊柝。此中正有學問。并非傲物玩世之謂。

學者果有本領。便自無所不可。只問今日我當自處何等。當如何盡職耳。纔說有輕世玩物之心。便非聖賢學問。曰非百里才。又

曰大事不糊塗。小事糊塗。只是本領不濟耳。

孔子嘗爲委吏矣節

貧仕固不爲行道。然其所以不爲行道者。卽貧仕之道也。辭尊富而居卑貧。卽行貧仕之道也。故位卑立朝。易地則皆然。會計當牛羊茁壯長。卽是地平天成。萬物得所。手段事有大小。道無大小也。若位卑時身不行道。立朝時亦無道之可行矣。孟子引孔子作樣子。豈爲貧仕者開方便法門乎。

疏有光文君子不能行道于斯世。而至于爲貧而仕。宜若可以苟焉爲之。而不知禮義所在。無時而可苟者。**註**此透頂之語。人不解道。**文**使其出入無悖。芻牧有方。云云。**註**會計牛羊中。卽見全體大用。此便是曾點暮春一段。具堯舜氣象也。○仕原主行道爲貧而仕者。仕之變而行道之體用。未始不在其中。處處從末

後一句倒折入來。方見爲貧原不在道外。可以苟且得者。但責任大小輕重不同耳。是亦道也。人講兩而已矣。語意直是輕忽。此于會計當牛羊茁壯長中。看出絕大本領。方見聖人仕止久速。無時無事。不是平成手段。直至堯舜事業。也只浮雲點太虛。此是甚境界。如是講而已矣。豈是苟且了得。此不是太僕莫想容易道著也。

位卑而言高節

道不行。句。應仕非爲貧也。句。位卑言高。句。應有時乎爲貧。句。結所以然之故也。大意側重爲貧者辭尊富而居卑貧一邊。

萬章曰士之不託諸侯章

曰君餽之則受之節

子思不受之下。蓋字之前。正有下節善養意在其中閒。

繆公此閒正要想出法來。奈何以無餽便了。

今日之臺無餽。正由于前日之亟問亟餽也。蓋字只是直接。更不再作一轉。商量出善處之法。

曰敢問國君欲養君子節

只是鼎肉兩字。上節讀得略重。此節讀得略輕。上節讀得略遲。此節讀得略快。中閒許多意思。便已了了。此程子點掇念詩之妙也。

萬章曰敢問不見諸侯章

且君之欲見之也節

艾南英文爲其多聞而師之。萬章原不說師。孟子謂多聞則已可爲師耳。

欲見賢人而不以其道節

本爲不見諸侯。說到君欲見賢。夫義路也。以下又轉收到賢人身。上若再根見賢。則顧賓失主。却又脫離不得。

夫義路也。四句緊承欲入閉門句生出。不是辨讚君子。正是責重諸侯。君子所以不見。正爲諸侯不以義禮耳。此正對答不見諸侯。何義一句。詞意隱嚴。

能由出入都在平素學術上講。不專指見君。見君義禮從此出耳。章意重義字。義之所出爲禮。非二道也。但上文從門字落。人易認禮字爲重。不知引詩只說義。故註云。證能由是路之義。

孟子謂萬章曰。一鄉之善士章。

此章不是推廣交友。正極言取善之法。節節從自己分量識見。恢廓上去。可見誦讀論世。卽窮理格物之功。正是身心性命關通處。非永嘉博辨古今。徒成个沒頭學問也。上蔡熟舉史論。程子

斥其玩物喪志。及程子看史。却一字不遺。上蔡初頗不服。後乃悟其妙。做話頭接引後起。熟思此章之義。此話頭如桶底脫矣。上節言人之分量。下節乃言其識見耳。上節數層。只要襯出爲未足三字來。以見其尚論之識如是也。若分上節爲友一鄉友一國友天下。而以下節爲友古人。兩節一串直下。有層級而無異同。則真不會誦讀詩書者也。

須知論世尚友。不是教人輕作史論經解。妄批駁古人一通。如蘇氏文章。定以翻案見奇。後世祖述。不論義理。開訶佛罵祖之訣。此又尚友之罪人也。孟子大旨。是教人去格物窮理。卽所謂思知人不可不知天耳。明得此義。上下節本是一串。

首節

鄉國天下是分量。不是地方。

天下善士。是頂一號人。如郭有道黃叔度諸人。猶未足以當此。學者伸紙舐筆。便要見得其人身分始得。若徒作聲氣應求之言。猶是八寸三分帽子也。

以友天下之善士爲未足節

取善無限量。在人志識耳。以爲二字要說得好。

熊伯龍文云云。**評**他所見只到得論古二字。不道此章總爲一箇善字。是大脫卯處。

又尚論古之人句逗住。是接應上句語。虛籠下四句。下四句是此句之緣起方法。頌詩二句。要跌起下知人論世。

陳子龍文有志於天下者。必結納當世之偉人。而以意爲之。**評**此章原不爲得志天下而設。開口便粗。與章意無涉。**文**老師鄙儒守章句。拘文辭。茫然于時勢之殊。而是古非今。遂使大略者一

槩罷去。吾嘗謂講章所以招邪說。卽此意。然只爲茫然于道
理。故并時勢不知也。文儒鄙之家。好論其理。至于空虛。而必入
于迂腐。其治亂興亡之故。不知也。文好論理。安得空虛。空虛迂
腐。正不明理耳。明理安有不知治亂興亡之故者。文浮慕前修。
强求其合。則以上古之事。可興于末世。而天下受其害。好執一
說。必求其全。則自大賢以下。不免于謗議。而通人疾其奸。不知
世固有異同矣。文古道未始不可興于末世。只是見淺力小耳。
其意專譏程朱。乃所謂不論不知也。況此豈止異同。文匹夫崛
起之人。不見經籍。而行事暗與古合。或偶舉古人一二事。而瞭
然能知其成否。此其能審大勢論大端也。文然則不必誦讀。而
竟論之知之乎。全不是論世知人道理。頌讀論知。總以求古人
之善耳。非謂通達上下時勢也。尚友只爲明善。如孟子尚論伊

尹伯夷柳下惠能斷其皆聖人而願學則歸孔子。是爲善頌。論知爲友善之極。則此只做得精于史鑒以立功名之說。故不但詆程朱。并有輕孔孟之心。學者所當戒也。宋人盡貶漢唐而奉周公孔子。吾恐古人不我友也。謂滿肚痞塊爲害在此。如其言將周孔不足專奉耶。可怪矣。人每怪宋人苛論古無完人。以爲好譏彈非也。宋諸子論古之嚴。正是爲已求精。亦以愛天下後世耳。卽如揚子雲。未嘗不稱其好學而賢。然使不爲莽大夫。不更賢乎。好譏彈者私也。惡也。辨析研窮以求至善。使後世可法。此公也。善也。此之謂能論世知人。此之謂能尚友。友善者以友求善也。非私其相好。亦非周旋古今也。

論世惟孟子爲至。如伊尹伯夷柳下惠之爲聖人。孔子之爲至聖。皆古無敢言。而確然定之。至今無以易。或以詩書論。或不以詩

書論此孟子尚論隻眼也。

春秋之書亂而折衷于孔孟。漢唐之書亂而折衷于程朱。論世不得聖人之義。是非橫決。徒以書禍天下耳。今日議論亂甚矣。其孰從而折衷之乎。

古今讀書弊病。大約不出穿鑿附會耳。

樂變文云云。讀書論世中至味。說得津津有味。痛快。以視舍詩書名教之好。滾滾馬頭塵。其所交盡浮薄齷齪之徒。蠅營狗苟塗抹淫哇。居然共命風雅。以逐臭攫金爲心。不復知世閒有廉恥事。不知于讀書論古何如也。三復斯篇。惕然有省。

齊宣王問卿章

王勃然變乎色節

呂瞿良文云云。從庸君心坎中。搜索出一時情事。覺得利害切

身。又是不可言之隱。被田舍翁不曉事。唐突及此。又不敢直叱其言之非。又自以爲有容忍。令左右不洩不測不覺默然時。已露出勃然變色之狀矣。

呂子評語正編卷三十三終

孟子評語正編卷三十四

孟子告子上

告子曰性猶杞柳也章

徐乾學文告子之言性也謂生而有性特其氣耳。**評**後來紛紛總
不出一意枝生。**文**因氣之無善而謂性亦無善將反之以爲功
從事於所不易則天下滋懼焉。**評**氣便有善惡不可謂之無善
但異學最惡理字則不得不以氣爲本耳。告子天性剛傲看其
辭氣絕無商量故孟子只就彼說直折其非而不明言其所以
然蓋亦至於太原之意也。

陳際泰文告子外仁義非禍仁義也。**評**外卽是禍。**文**聖人之爲教
也。有端有權而皆以性爲言。**評**不是聖人爲言理本然耳。**文**端
者本乎其所有。孝弟之類是也。權者本乎其不得已。若禮樂繁

重之類是也。**評**他看得這箇都是聖人安排添入。說來聖人之
道都靠權用枝梧。**文**告子曰。之曰。女性無仁義。固不可不爲
仁義也。不徒取聖人之所添入者而壞之。併取吾人之所固有
者而誣之。則告子之理不足。**評**然則孟子爲告子絕滲漏句耶。
聖人添入一句。見其底裏。**文**告子非禍仁義者。其外仁義。凡以
明性也。其明性。凡以隆仁義也。**評**外仁義矣。又明何性。仁義亦
不須汝隆得。爲何定要出脫告子。以其本師也。秀才看性善便
道。孟子不得已。撰造立教如此。其實心服告子之說爲本真。推
而上之。堯舜禹湯文武周孔。總是孟子一流。其爲健順五常。禮
樂刑政諸道理。總是性善一例。皆所謂聖人添入者。也不若無
善無惡心之體一句。爲正法眼藏。自莊列告子五宗禪家象山
陽明。皆以此爲宗。秀才已皈依而化之矣。安得不同護本師哉。

首節

先單說義。次兼說仁義。便是告子仁內義外根苗。此處提破。連後食色。孟季子二章。張本都見。陳定宇以爲脫一仁字。猶頗預在。先說義。後言仁義。告子意中先有義外論頭在。故其爲字。亦指義字居多。

陽明看義理都在良知外。此所以害良知也。

性與義。告子本是二之。偏說二之不是。陽明明是禪。偏說禪不是。一般狡獪。

孟子曰子能順杞柳之性節

人生而靜。以上不容說。纔說性只是仁義。告子岐而二之。便不是。然其以杞柳桮棬爲喻。而輕輕下一爲字。亦自包裹得好。孟子從爲字中。抉出戕賊二字。便覺罅漏百出。不攻而自潰。

告子曰爲。孟子曰戕賊似乎深文。然將順字一視能乎一跌轉出。戕賊二字來。固勢必然。而理非誣矣。順字對爲字。故者以利爲本。惟其順也。

告子曰性猶湍水也章

告子屢設譬喻以言性。卽佛老家之寓言。閃爍支離。不可方物。其實皆遁詞耳。儒者只與格物窮理。則終無遁處。孟子知言本領。在此。程朱闢佛。只與論迹。迹何從來。亦此意也。告子先不識杞柳湍水馬炙等物之理。如何識性。孟子知性知天。其於知言也。何有。方知杞柳湍水馬炙之理。皆吾性所有。以格物窮理爲贅外。此所謂義外也。伯安若善格竹子。竹子亦未必不可以言道。其不識良知。先不識竹子耳。

孟子得力處。正在知言。知言之功在格物。

陳子龍文世之論者。以聖賢之言性。不重。夫自然之說者。非通論也。夫亦深辨其自然者。奈何而已。苟涉乎人之所爲。豈得尙號爲性邪。**評**聖賢正以理爲自然。性善者自然之極也。**文**號曰無善。又曰無不善。二端之迹。旣無所托。三品之論。亦無所起也。莫得而名之。是亦物之最善矣。**評**以善爲贊詞。如釋氏所稱善哉。此蘇氏胡說也。**文**夫爲善人之所難。而任性人之所樂。**評**此晉人亂道。從古聖人無任之說。然任性乃惡也。聖賢豈成人之惡哉。**文**無善之說。近道而重疑天下之心。性善之說似偏。而可定天下之志。聖賢教人言此不言彼也。**評**只是此障難開。自陸九淵王守仁以後。禍益深矣。**文**善治水者。任其勢。善治人者。任其性。**評**潤下非勢也。**文**性可任乎。則固已斷其善矣。此權辭也。**評**以任性自然爲說。此本之老莊。却以無善爲宗。雜合二氏之言。

顯攻孟子不知本。而又以爲教人之道如此。若反爲回護者。卽陽明所云。不忍牴牾朱子。不得已而委曲調停。以爲朱子晚歲已大悟也。此等說數。浸淫於學士大夫胸中。老大不然。孔孟何況程朱。

孟子曰水性無分於東西節

水非可以指性也。水之必下者。其性也。人非可以指性也。人之必善者。其性也。若但以水言。以人言。則水有多少水。人有多少人。豈復有定體哉。告子本領在生之謂性一句。看水之流便是性。看人之心便是性。其病只在此。陽明謂能視聽言動的。這箇便是性。卽是此意。不知能視聽言動的。這箇正是無分於東西之水也。故其宗旨亦只在無善無惡心之體一句。若聖人之所謂性。則必視之明聽之聰言之義。勅之肅。乃所謂水之必下也。人

之性也。荆川文將人字水字頓斷折入性字。深得其理。

告子曰生之謂性章

陳文龍文告子之與孟子論性者數矣。而終不能合者。一欲知其

本。一欲立其教也。**評**立教正以本。教豈末術。**文**無辨折証難之

才。而徒執其本然之語。則事之可疑者多矣。**評**告子理窮。非辨

窮也。**文**告子曰生之謂性。此其言非有所謬也。易不云成之者

性乎。而子思亦云天命之謂性。其意大約相類耳。**評**易成之者

性。上有繼善句。子思曰天命正以其善也。**文**此言萬物之性。皆

出於此時也。非言萬物之性。一無所異也。**評**告子生字。亦不指

囟聲墮地時。如臥子言。只初生時有性。而後遂無性乎。**文**且夫

人之言性者。必以爲我既知之。而將以教人也。故嘗指一物以

明之。告子意在獨知而已。故知其本而忘其末。知其所以然而

不知其所當然。是以取喻事物而爲孟子之所窮。**評**聖人盡性便盡人物。贊化育。豈僅獨知而已。獨知性只是二氏之說。然二氏亦便以此立教。未有忘末而謂之知本。不知當然而謂其知所以然也。**文**生與性二義也。白與白一名也。而奈何例之。使曰不然。而告子之說可明。**評**告子原說生卽是性。非二義。故不得不然。孟子之詰。使其曰不然。孟子固又有以折之矣。**文**凡孟子之說難者。皆言性之本異。而告子之置對者。皆言生之本同。宜其有犬牛之難也。**評**性善是言本同。本同者。言人理也。性善只一生有不同。告子只指氣同者爲性。故到人與犬牛道理上說不去耳。**文**然而所以勤勤乎言性之旨。則孟子是而告子非也。**評**此一轉。卽陽明晚年定論之奸計。**文**聖賢意在教人。而性命之精者不言。非不知也。以爲言之而無所益於天下耳。**評**聖人

於性命之精者無不言。公所見乃其所闕者。性命之精豈有無益天下者。文。被告子者。既無教人之意矣。而好以性之精者示人。又不從而爲之說。蓋欲以自然者自適乎已。而後世虛無之論。亦其類邪。評。卽如其言。將虛無者知本邪。告子正爲不知本。故理窮。臥子却以爲其辨拙而理不窮。及其代告子辨也。則連告子所主之義都失之。告子本以知覺運動言生。猶陽明所云能視聽言動底這箇便是性。臥子却以生死之人當之。果爾則孟子亦不必以白之謂白折之。而告子然之矣。竊恐告子辨才遠勝臥子十倍。臥子尙未知告子言。安能知孟子言。獨其悍然敢以告子爲是。而直非孟子。謂告子理是而辨拙。孟子理不足而辨勝。是告子誠而孟子黠也。此一種無忌憚之病。非小小罪過也。嗚呼。此非陽明之害歟。

陳際泰文生之謂性。非告子之論。而固聖賢之論也。然而孟子致疑者。非疑其言而疑其指也。**圖**反說孟子疑。是孟子不解也。直敢亂道至此。毅然非聖叛道而不顧矣。天下何得不亂亡乎。更有一義尤無忌憚。有云孟子長於告子。非道過之。其辨勝也。然孟子能絀生之同性之說。終不能絀生之謂性之說也。辨而窮之。是佐之使粹也。其狂悖如此。

生之謂性。經孟子如此辭闕。後人猶祖其說。謂告子未嘗不是。孟子爲流弊立教。故爲矯枉之言者。嗚呼。使無孟子。幾何其不以告子爲聖人也。

首節

告子以前諸說。其病根皆出於此耳。

孟子曰。生之謂性也。節

文孔子之時識性者多。故言理兼言氣。而性自從理以重。孟子之時言性者多。故言理不言氣。而性不從氣以輕。源流井然。**文**告子之說主氣。氣則以天而輕人者也。**文**告子正不知天。天卽理也。**文**孟子之學崇理。理則以人而成天者也。**文**孟子正要知天事天。**文**兩漫應之爲然。**文**告子不得不應耳。非漫也。然則犬之性節。

文天下莫尊於同。莫賤於異。天地萬物盡同也。而或求異焉。則物中之最不肖者矣。**文**孟子道性善。正爲同然耳。犬牛與人性有同有不同。正爲生中有不同耳。**文**強陽發其運動精爽生其神明。因而循寢生欲。與物有期。而性之名歸焉。**文**艾云。認血氣精神爲性。大力之不讀書如此。余謂說他不讀書。他定不服。只是讀他書。不會讀聖賢之書耳。**文**生之謂性。猶曰性之謂。

性也。**評**不通傳習錄最多此文法。**文**犬之性牛之性人之性。告子不謂異也。天下盡不謂異也。卽孟子亦不得謂異也。蓋不異而天地萬物始玄同也矣。**評**大力不謂異耳。告子已謂異矣。**評**今有罵章大力曰。大力之性猶牛之性。犬之性也。大力必怒矣。若大力回護此文曰。吾見之於文。不應自矛盾。因自認與犬牛等也。則犬牛父子無親。兄弟無序。夫婦無別。大力果自認與犬牛等乎。書生叛經侮聖賢。不自知其身之等於犬牛。然則侮聖賢。誹先儒之報。不待如佛氏之說報應。墮落畜生道也。**評**艾先生此評。非罵也。痛哭流涕而道之。親愛之也。秀才不明聖賢之理。誤惑於佛老陽明之說。身入禽獸而不自知。同爲人類者。不號呼激直以救之。不仁也。艾先生之評仁矣。

孟季子問公都子曰。何以謂義內也。章

公都子不能答飾

彼將曰在位故也。子亦曰在位故也。此正如禪家殺活縱奪句。同中有異。不離故處。已過千灘。祇是一箇主賓。有時一喝。只作一喝用。有時一喝。不作一喝用。分明只在轉機處薦取耳。此可以得言語之妙。

彼將曰子亦曰六字。如兔之脫。如機之發。少縱卽失之矣。

公都子曰告子曰性無善無不善也章

首四節

馬氏

知性之善。而無善無不善之說可存也。性之始見於氣者。然也可善可不善之說可存也。性之既入於習者。然也有善有不善之說亦可存也。性之偶殊於質者。然也。原頭只有性善。知性善之爲至理。則三說亦有次第分看處。

知性善之理一。則三說皆可以備論性氣質之分殊。然無善無不善畢竟不是不可有也。

董榘文一人言之吾黨折之。猶懼其孤也。天下言之吾黨或間稱之。則其涓涓不絕而其流將成江河也。公都子雖賢者儻固無慮此。吾甚患夫天下後世之設淫辭而助之攻者。久且習焉而不覺也。**寄**自陳湛以後講學者皆不出此言。

孟子曰乃若其情節

孟子言性皆從端倪發現處溯洄而上。故極明顯真實。辨講求故以利者也。此及下節虛虛發凡惻隱節四者之心。方是疏情之善。弗思求舍半段。方是疏非才之罪。

黃淳耀文孔子之說理氣參焉者也。故其言曰相近。孟子之說論理不論氣者也。故其言曰性善。**寄**言本程朱便跌磕不破。然

置氣不言而天下之辨起矣。評無怪其然。直至今日。文則仍卽其流行於氣外。與運用於氣中者言之。而立教可無弊也。評流行運用。總在氣內。主宰却在氣上。無流行氣外之理。文在天之氣無善惡。在人之氣有善惡。評纔說氣卽在天亦有善惡。陰陽風雨之過不及是也。文夫性混今闢今可以意遇而不可以迹求者也。吾亦安能直指哉。評性善已直指矣。若云混闢則性善上面尙有一層。反轉入告子甲裏。陶菴於先儒之說。堂堂正正處無不洞達條貫。第其精奧未能盡。每欲向上別尋。此處未徹。疑問如桮棬矣。文饑而欲食。牡而欲室。此人所謂情也。而不可謂之情。評告子達摩子靜伯安皆以此爲性矣。

孟長安文天下有滅性之人。無毀情之人。評性也究竟滅不得。只是昧耳亂耳。

此情字。指未雜者而言。

此情字。卽下惻隱四件。不是通後來流轉之情。

其情。正在不知不覺處看。

性爲中涵。尙疑其未必盡善。況情之流動攻取者。頃刻萬變。何足以証乎。孟子所言之情。只指人心猝乍感觸。不知不覺發露處。雖凶人暴客。無不然者。此爲最真。所謂孺子入井之惻隱。與牽牛之不忍。平旦好惡之相近。孩提之愛敬。無非此意。止就這端倪上指證。以見善爲人心之自有。不說情之流變。亦不執此不知不覺處爲究竟工夫。如良知家所云也。

下惻隱之心。至我固有之矣。是此節註脚。

若夫爲不善節

黃淳耀文大鈞賦物。授以冲漠之精。卽并授以達此至精之具。謂

有羸縮其閒。則是擇聖賢而多予之才。擇中人而恡予之才也。**謂**無異同則可。若羸縮則未始無有。

惻隱之心節

惻隱羞惡情也。其載之而發者。心也。仁義禮智性也。能惻隱羞惡。發揮至仁義不可勝用才也。知其固有而欲得之思也。

金聲文將以仁鑠我。而君子見其假矣。**評**艾評此卽告子義外之意。余謂不然。告子義外。正指性之義而言。此所云假襲文數。乃似是而非之仁義禮智耳。

鑠字但取自外至內之意。言本無而強入爲有也。其銷亡鍛鍊意。又隔一皮。

惟統於心。故求之在思。

詩曰天生蒸民節

性情才已道盡。此節只証據。

有物句。是証結性善。民之秉彝二句。是證結情與才之善。卽性善。孟子立說。主因情而見性。故引據之意。重好德句。

諸說之非。總只在物上起見。謂物卽是則。如後世金溪姚江皆主此說。孔孟却以則爲主。有物有則。明分兩件。有物必有則。歸併一件。歸於則。不歸於物也。則在物之先。物之上。但離物。則則亦不見耳。孟子引此以見其卽情驗性之說。重在必有故好四字。理在氣先。亦卽在氣中。惟程朱分得明白。故其合一處。泯然無間。後來欲說卽氣是理。其所謂合一。非孔孟之合一也。孔孟之合一。重在則。謂物必有則。後來之合一。重在物。謂物便是則。此正彼說之非。與孟子性善作頭敵矣。

此一節引証。正見古人讀書旁通曲喻之妙。禪家竊之爲不犯正。

位者也。蓋人之解悟融釋。每滯於本地而得之他端。所謂豁然貫通。本如是耳。

性善是非理解。上文已詳盡。若於此復起辨論。卽爲支複。要解詩與孔子之言。與性善之說。如何相同。又增添註脚。不得末三句吟哦上下轉却一兩字點掇地念過。令人省悟之妙。能看透此節。緊對今日性善一節。作應作結。不止是泛泛引証。微情妙解。自然迴出矣。

明道先生善言詩。不曾章解句釋。下字訓詁。有時只轉却一兩字。點掇地念過。便教人省悟。其法蓋得之此節。

唐順之文。吾夫子從而贊之曰。爲此詩者。其知人性之道乎。**評**或云。孔子贊詩。只統說知道。中夾人性二字。是先輩泥拙處。余却謂評者泥拙也。假如大學引文。王詩作敬止義。其實詩人止字。

是助音耳。可曰傳者文理不通乎。孔子說詩時。不必加人性字。孟子引證。却不妨坐定人性。況天生物則秉彝懿德。詩人已明具人性義。與敬止例又不同。何故孔子口中。反不許他說性哉。此種論法。似是而非。當破除之。

若但作孔子說詩一則。則懿德下又須補綴辨性善闕三說論頭矣。惟其引來。只當得自己說話。故白文竟住耳。

孟子曰富歲子弟多賴章

故曰口之於味也節

論者云。做心之所同然者句。怕混上文。便是粗心語。上文是就口耳等說。此卽就心中指出同然東西。語脈迥別。

陸文憲文不謂之心而謂之理。不謂之心而謂之義。何謂乎。謂其同也。**詩**心固有不同。心之理義則同。此正儒釋之別。

心之所同然者何也謂理也義也若如後世講學當云理義之所同然者何也謂心也矣湛甘泉改註云在心爲理處物爲義只改一物字便是義外之病若以物爲外是分內外之道非皆備之旨也如此說義又何曾不在心來要將理字說高反將心與理與物畫成三片此求合而得離也大約禪學最怕拈著理字後來偏要拈理字以明其非禪只打開物字則理字便好活用此正僧某教張侍郎所謂卽用儒家言語改頭換面接引人去之術也姚江格物之說正是此法乃反以程朱之說爲義外試思合外內者義外乎分外內者義外乎亦易辨耳

以理義印証心之同然不是以心之同然註疏理義故只在悅理義處著解便深得程子註中之意

朱子

天下本然之一體可疏觀以盡美而後大共之詞不得疑

之以愒悅。理也義也。兩也字不混。聖學只是分明。異端只要籠統。

在物爲理。處物爲義。鐵板註脚。程子分解二字如此。正爲兩個也。字破疑耳。其實止是一串。故急接語云。體用之謂也。若呆煞分看。便是告子義外。

聖人先得我心之所同然耳。若謂故意放低聖人。引人卽成自棄。若謂滿街是聖人。爾胸中原是聖人。要人笑受。卽是無忌憚。埽除兩路。方見孟子喫緊爲人處。

孟子曰牛山之木嘗美矣章

此章緊要在存字。

此章心字是仁義之良心。與他處單心字不同。故說心便須根仁義氣清時可驗良心之萌蘖。所重不在氣。故說氣便須根心好。

惡是心所發處相近幾希處是良心萌蘖非無仁義而但有好惡也故說好惡便須根相近幾希此數字都單舉不得

此一氣字千古惟孟子發明而氣之生於息見乎平旦於此章尤精氣根於理理根於心惟主靜而理與心一氣之川自行此周子之圖說卽從孟子息字得宗也從此推論舉皇極之元會運世與靈素之蒼齡玄赤一時磕碎矣

雖存乎人者節

雖字直起應緊接上文說

心仍在只良心放失耳

氣日裒也生只是夜間稍靜不耗散耳

日夜平旦無刻不生只平旦易見耳

平旦之氣兩句非幸之危之也前既是放失之餘旋即是旦晝特

亡隨其後。然則所爲與人相近幾希者一瞬耳。

嚴沆文此其時亦非遂有所爲心也不過氣焉而已非遂有所爲仁義也不過好惡焉而已。**譯**正良心之萌蘗但在氣上見耳。怙亡時未嘗無好惡此好惡相近正是仁義之心只幾希耳。下語太徑捷便有病。

相近幾希貼定仁義說是

集義養氣求放心是孟子實下手工夫發前聖所未發處曰仁義之心曰良心曰仁人心也說箇心便指著仁義未有離仁義而單言心者也此處說心說氣說好惡俱要緊靠定仁義好惡未嘗亡只不與人相近者便是怙亡之

旦。豔怙亡尚有夜氣一線滋生至於反覆則消者日甚而息者不足以供所消此一線漸滅良心乃喪盡矣須重發反覆二字

不存。是不存良心。非不存夜氣也。

不足二字危甚。

不足以存。言不足以存仁義之良心。非云夜氣不存也。日間牯亡。循環不已。則夜氣所生息者。漸漸消泯。牯亡只指旦晝所爲。不
是夜中亦復牯亡。

夜氣之不足以存。爲良心溺且絕也。惟良心之溺且絕。故違禽獸
不遠。若只歸咎夜氣。便失之萬里矣。

心自有存之力。原非聽命於氣。此是操養正意。文
近於幾希者。非氣存其心也。心有息焉者也。亡於反覆者。非心
汨於氣也。心無息焉者也。所以只要存心。未嘗求存氣也。
所云違禽獸不遠。亦只於好惡見之。

此不是言人爲禽獸之易。正言爲禽獸之難耳。如此日焉夜焉而

猶未至禽獸。直至幾反幾覆而後始不遠也。每句作逗。每段作斷。方知爲禽獸如是之難。然細思之。却正言爲禽獸之易耳。可畏哉。可畏哉。

故苟得其養節

養字正教已放人用力。正是存字源流。

孔子曰操則存節

心之形質無出入。其理體亦無出入。其可以出入言者。乃運乎形質而載夫理體之活物。惟其活。故有存亡出入。存亡出入。卽生乎操舍。其爲物原無出入也。孟子通章所指皆仁義之心。無出入者也。孔子所指却只是單心字。孟子借以證其不可不養。重在操舍字。要之心存則仁義存。亦初非二物也。若只重神明不測之體言。便易墮禪宗去。

孔子所言與孟子不同。一屬氣上事。一屬理上事也。孟子養之得失。有工夫。孔子操舍。但指其收放而言。

孟子所言心字。與孔子不同。孔子是說心之爲物。孟子前後數章心字。皆指仁義之良。非虛說心字也。然仁義之所以放失。皆因心之爲物。最活。風吹草動。便已走作。故不可頃刻不操。此節引來。只重一操字耳。

孟子引此。以見心之易放而難守。欲人用力養之耳。其實孔子之言心。與孟子心字。微有不同。孟子言仁義之心。指本然之良者。卽堯舜之所謂道心也。孔子單說心之爲物。最活變不測。惟其活變不測。故有道心人心之殊。存亡出入。已指人心之危矣。其理雖一。而所言各有指。不得混過。

卽聖人盡性。亦只是操之純熟。其活物自同。

程子論出入二字故曰以操舍言然此四句總言心之活變難把捉以儆人不可不操耳以心之自然上論爲正不必黏煞操舍也無時與莫知其鄉平看若側串講似因無時故莫知其鄉多一轉矣

孟子曰無或乎王之不智也章

陳子龍文君子之不用小人閒之也賢良入對卽憂偏聽之奸而急參衆人之論奸邪在旁偏有推誠之德而遂成拔山之難云云評王之不智在道理上說如仁義之與利行王政之與好勇好貨好色伐國救民之與火熱水深說時未嘗不足用爲善而卒不能改從故道理到底不明白不足與有爲孟子之所以歎蓋歎道也非歎其身不用謂王不能知己而爲智也孟子此篇都講性道爲學之旨看前後章自明若從己之用不用說王之

智不智義小而私非此章意也雲間好講事功惡言理道故其言如此亦似爲當時用烏程不信東林而發

雖有天下易生之物也節

此節似答寒之者然所以引寒之久者王心原自有病故下節云云

今夫弈之爲數節

不專心致志正是弗若緣故有因章末二句語氣謂講弗若之矣亦不宜老實說明者真俗論也不專心致志則不得也孟子已提清在上故章末只用反辭決之意已足耳今人非惟不識孟子道理抑且不識孟子文字何處與他說起邪

孟子曰魚我所欲也章

萬鍾則不辨禮義而受之節

萬鍾於我何加焉。世人惟將萬鍾與我合而爲一。孟子只將萬鍾與我分而爲二。卽此一分之中。使近日多少刀頭。祇蜜人喚回殘夢。

只認得一我字真。便得何加兩字之理。

萬鍾侈於家。不能侈於我。今人卽以家爲我矣。謬甚。

鄉爲身死而不受節

趙師文或行乞之閒。忽然動念。苟留吾身。他日富貴。我所固有。今之屈者少。而後之樂者多。則不受者受矣。**釋**轉念卽陷入禽獸而不知。以後雖知之而不得不然矣。紛紛失足皆坐此耳。**釋**若令未死之日。萬鍾之有。蕩然而無遺。行乞於道。非禮相加。惻然心動。吾又知其必舍生而取義也。而惜也。萬鍾累之也。**釋**今日富貴。明日行乞。又是一番面目。心術說得可笑可哭。蓋自本心

喪。但爲利欲所驅使。爲境遇所遷移。萬鍾非人。行乞亦非人也。忽然萬鍾。便講作用。忽然行乞。又仍講禮義。此等人。世上正復不少。胸中總舍箇萬鍾不得。彼赫熒者。無論矣。一輩貌取禮義之徒。退入高隱。卽於高。求萬鍾。退入佛老。卽於佛老。求萬鍾。退入理學。卽於理學。求萬鍾。退入方技。卽於方技。求萬鍾。尤爲失心之甚者也。

譏訶笑罵世人。儘尖酸明白。不知到自身上。便全不照管。心口相違。前後異狀。卽以問其人。亦自不可解。此不可解處。卽孟子所謂可已而失本心者也。五鼓寒鐘。一炊熱夢。念此更應猛省。

孟子曰仁人心也章

首節

辯道先文指仁而卽謂之心。不可也。指心而卽謂之仁。不可也。

先著此句好。**文**仁而非心。則天理之粹然者將歸於無。而無所附麗矣。心而非仁。則此心之昭然者將墮於有。而失所主宰矣。**論**不落有無。言有無諸子之陋也。**文**冲漠無朕之中。萬感未形。是心之寂然不動者也。卽未發之中。而仁之所以爲體者也。事變紛紜之際。百爲妙應。是心之感而遂通者也。卽已發之和。而仁之所以爲用者也。**論**心仁際分歷歷。**文**體用一原。形而上下無精粗之異。顯微無間。性與知覺無道器之殊。**論**心仁合一處歷歷。學者不但不識仁字。先不識心字。因不識二字。看此文直平易無味矣。能細會之。便識得此二字分處合處。賓主回互處。不然難言也。

義爲人路。異端遂指爲外。不知路在外。而所以由者仍在內也。事父則宜孝。事君則宜忠。豈亦在外乎。知此則路亦不是外物。異

端自打成兩橛耳。

義只人路。須人由之始得。

人有雞犬放節。

此章心字。與他處泛言心不同。

陳際泰云。人有心而自放之。則仁病。仁病而義無不病。仁足以總天下之義。義足以總天下之事。而心足以總天下之仁。義上兼說仁義。此專說求放心。須有此發明。統會。

心字從首節生來。卽仁字也。故此節註云。上兼仁義。下專論求放心。則不違於仁。而義在其中。勉齋亦云。三心字皆指仁而言。時講空說求放心。便是陸學收攝精神本領。更進亦止得上蔡知覺是仁一層耳。蓋孟子此一篇中。自公都子章至末。皆指仁義之良心而言。未有泛指血氣活動之心而言者。象山提唱先

立其大亦是錯認孟子正與假借良知二字之術同皆指鹿爲馬也。

根定首節說來纔是心字真解。

學問之道無他節

正惟求放心所以學問知求放心乃是學問之道兩邊說來方得。

放心者心之仁放失也求放心者以學問求之也故曰學問之道無他心便指仁求便指學問言人爲求放心故有事學問而學問之道總以求放心而已此一節惟勉齋發明最詳或謂註云志氣清明義理昭著恐只是收攝得此心乃可以求仁否曰此却犯朱子所謂以一心求一心也我欲仁斯仁至只求底便是若謂先存此心以求仁則已分爲兩物矣又何以云仁人心

也哉。此正緊聖學與異學分界處。總緣於學問外。另有箇求字工夫。卽納入學問內說。亦另有一節求字工夫。如此則學問與心全無膠黏。有亦得。無亦得。不道心與仁早無膠黏。有仁亦得。無仁亦得。只心不走作便是。却是蹉了路頭也。蓋人但知心與仁分離不得。不知仁與學問原分離不得。離了學問。便收得心入來。無處安頓。亦必走作也。且如人言。只收攝此心爲主。則原不消學問得。參禪坐功。皆可悟本體。一著學問。反生障礙矣。然其所弄之術。孫便守到臘月三十。終無用處。程子所謂與一錢而亂。及金谿姚江之徒。一悟之後。凶德敗行。靡所不爲。惟其求非學問之求。故其所存之心。亦非仁義之心也。且求放心。孟子開示學問之要。學問之實。不是說到盡。無他而已矣。歸本之詞。非極頭之辭。能如是。則志氣清明。義理昭著。而可以上達。可知。

學問於求放心上正好做去。不是求放心便休。一作說盡話便錯。

陳際泰文大賢重事心之學。**評**如此下語便倒。**文**放心既求而心之道盡矣。**評**可以上達正有在。**文**心失其真。學問雖勤。無補性命之理。**評**此金谿姚江之學問。彼自以為學問。而非其道也。提真字便落彼家。**文**古有至人焉。一意靜攝。曾不立學問之名。**評**古無此至人。其時曇邪。

又陳文君子之為學問也。不治其簡要。而先明其指歸。**評**單說簡要便落狐蹤。**文**古之人有假借之法。而昧者失之。則徒守其筌蹄而已矣。**評**不是假借那一件。不是道理。**文**苟明其旨歸。即屏棄乎學問。可無訾也。**評**這便說壞了也。一屏棄便失指歸。**文**若人之本原。既已全收。而外來之迹。君子有以捐之。**評**如何捐得。

君子擴充變化正多多益善耳。○心統性情。心之出入存亡氣之靈也。而所統之妙與之俱爲存亡。故放心者。所統之仁義放也。求放心者。求心之所統也。心存則所統者俱存。是氣與理一也。所以完其爲仁人心也。心放則氣離理而自行。故必用學問之道。正以理收之。養之。使復爲一也。其端亦自求心。但舍事理以爲求。則其所求者。止氣之靈而已。故不可以窮衆理。應萬事。自聖人觀之。雖妙明圓淨。如如不動。真常流住。皆放心也。故而己矣三字。緊根學問之道講。若謂只要求心解得。更不須學問。便是臨濟曹洞金谿新會姚江之邪說。與聖人之旨悖矣。文中離處在簡要直捷。看學問是假借筌蹄。緣他所指學問便粗淺。止將載籍誦讀當之。却是學問中一件事耳。聖賢所謂博學審問慎思明辨篤行。與格物致知誠意正心修身以至齊治平。

其說豈止如此。

學問之道四字講得精切。方不爲金溪姚江邪說所亂。但講做只
有求放心。此外更無學問。自以爲得而已矣。語氣不知其流入
於不必讀書窮理邪說去也。

孟子曰人之於身也章

孟子爲當時陷溺者喚醒路頭。故指示大段處多。舉工夫處少。如
此章養大者。下章先立大者。極其徹切。然只是大段。須有人問
大者如何養。如何立。定有個方法在。惜時無人焉足以發之也。
然其方法亦只在孔曾思三書中。可想而知。必無別傳宗旨。陽
儒陰釋之流。喜其空闊不說煞。可以改頭換面。每借空大之言
以行其私。且云工夫卽本體。本體卽工夫。其熾亂至不可窮詰。
不知孟子之言實不如此。如陸子靜講義利內外處。頗足動人。

及說到工夫本領則一齊差却。蓋大段易取。實際難得也。學者須就其中尋取孔孟工夫密實處。乃得。

體有貴賤節

養小定失大。養大却舉小。

養其大則小亦得養。膝面盎背。喻四體非邪。只本末主使有別耳。

金聲文 吾目不能窺所未見耳。不能察所未聞。手足不能拮据於

所未到。而恃此一物。着蓬有以周宇宙而無困匱。**證**明目張膽。爲親切指示之言。然亦得之象山龍川者多。此一物三字。便是陸家黑腰子。

公都子問曰。鈞是人也。章

曰。鈞是人也。節

物交物。所以交之由。其弊病源流。須與勘盡。

自聖人以下。防交之害同。

二氏怕交而欲絕之。則交引之根反固矣。

心之官三字逗斷。其味自領。

楊以任文誠得其惟一者。又不必於心之中。分人分道也。**觀**然則堯舜贅剩支離邪。此等語句最動人。然最害理。**觀**觀聞之惺惺莫非知也。深思以致知。古之大人是以有自得焉。**觀**心得其官則耳目皆從。無非思也。此理自好。

耳目之官不思。與心之官則思兩句緊相照。故思字與耳目一段對。不與心字對也。人皆說成能思則得其心。失其義矣。得之謂得事物之理。非得心之官也。下兩句只解心之官一句。見其爲大體耳。艾千子謂心之官則思。此有人心在內。思則得之。則皆道心。心之官對耳目言。思則得之。乃先立乎其大也。坐誤看得

之意。致生謬解也。

艾南英 **艾自詒** 心之官則思。此思字雜形氣理欲在內。思則得之。思字方是慎思誠意之思。惺然不蔽於物。若兩思字作一樣看。則下文不思者。豈盡灰槁其心乎。**朱**子曰。心之官則思。固是原有此思。只恃其有此。任他如何。却不得。須是去思。方得其所。思若不思。却倒把不是作是。是底却做不是。邪思雜慮。順他做去。却害事。觀此。則兩思字不同之義了然矣。蓋下文先立立字。卽此第二箇思字也。

羅 心亦體也。顧此乃天之有意與人者。而謂非其大者乎。**此**天之所與句。總大小體言。次句乃責重大體。今將次句黏連上句。謂大體爲天意所與。則此字竟單指大體。豈小體非天所與乎。曰先立。則耳目之官。非無責成也。但重在大耳。

此字兼心思耳目。天總以付人。從大從小。却聽人自擇。

立字中有工夫。

金谿所謂先立其大。立其所立。非孔孟之所謂立也。

孟子爲邪說以理義爲外。故其立言每直指本體。示人固有處多。而不及工夫。如放心章之求字。身體二章之養字。此章之立字。皆懸空說。在三字中煞有工夫。非前後際斷空洞森羅之爲立也。象山以先立其大爲宗旨。舉示簪皁民安坐瞑目。用力操存半月。一日下樓。忽覺此心中立。象山見之曰。此理已顯也。然則象山之所謂立。立其所立。非孟子之所謂立也。孟子之立。欲得其能思之職。如象山論。乃不立其大耳。

陳際泰文。世之人必欲揜聰塞明而後得以自安者。其內度敗也。

評異端怕外緣。正坐大者不立。或云三界惟心。他正單立這箇。

耳曰他先去了理義。叫大者如何立。他自以爲立却又壞了這大者。非立也。

孟子當羣言淆亂。人心陷溺之時。故其所言大約辨醒是非處多。實指工夫處少。故其語空懸。易爲外道所假借。陸子靜亦拈此句爲註脚。却是改頭換面之術耳。如此節講先立大者。是甚卓越。然大者如何便立。却未及詳示。不是他不說。無暇說至也。七篇中大約如是。或謂說立便是工夫。此陽明本體卽工夫邪說也。或謂如是則當於立字中講出實功。曰。孟子不曾說得如何代爲補。然則畢竟如何。曰。孟子以孔子子思爲宗者也。看孔思所說工夫。卽得之矣。不是不可補。須補得真是孟子意中工夫爲難耳。

所以必當先立之故。不必更生枝節也。上文云耳目之官不思而

蔽於物。又云心之官則思。則已明言之矣。然則先立之工夫如何。曰。此孟子之引而不發也。

孟子曰有天爵者章

孟子此章。大段爲有人爵者言。今其猛省。而求爵者已在裏許。看末節惑之甚甚字。及終必亡句。自見。故註中補固已惑矣。最宜熟味。古人始終只是一箇修天爵。從字極輕。初非古人之意也。今人始終只是一箇要人爵。修字亦極輕。其所修亦非古人之修也。若謂孟子有以人爵歆動今人意。則修天爵以要人爵者。與古人又何別邪。故重看人爵。都是窮秀才眼熟科甲俗腸。非書旨也。而評家又以爲得歆動意。皆拜塵望火之見。此病雖在文字。而害中心術者。故不可不辨。

滿腹皮猴急科名。揣摩此題。如何不鄭重人爵邪。孟子正爲此輩

喚醒春夢耳。豈肯更贈他驢邊枕子乎。

首節

學者不識得天字。憑他英雄才智。壓倒在氣數之命下矣。氣數之命。卽人爵也。不知上邊還有個天命之性在此。是氣數沒奈他何。底聖賢只爭遮些子耳。孟子特提個天爵。已將氣數之命。俯視在百尺樓下。然是實理。非虛氣也。請看孔孟程朱。今日又何嘗無人爵。故曰大德者必受命。

從義落文人知爵之制於帝王也。不知帝王之爵孰爲制之。**評**此一語下得天驚地動。豈經生家當所有。**文**人知爵之宰於時命也。不知時命又誰爲宰之。**評**天并不是時命。故奉因果感應勸人。卽是功利邪妄。**文**有仁義忠信樂善之人於此。使其出於王侯之躬。貴矣。使其不出於王侯。而出於匹夫。益貴矣。**評**孔孟之

修豈以人爵從不從重輕邪。讀此知重人爵之謬矣。○文章不朽存乎議論。議論高下存乎識見。若識見出孟子所謂今之人下而作此等題。宜其蕙索無氣矣。開口能道帝王之爵孰爲制之時命。又孰爲宰之。只此已直扶原頭將來分看合看橫看豎看。無不拔地倚天。亦自有巖巖氣象。蓋天爵二字。是孟子自撰語。然却是真實義。非寓言名目也。天位天祿天秩天敘天命天討。無非天者。天卽理也。自天字不明。異端橫起。其最下者。至袁黃了。凡造爲感應功過格。附會太上不根之語。謂以此求科名年壽子女貨殖之屬。無不應願而得者。云是勸人爲善。失所爲善者何。公也義也。惡者何。私也利也。以自私自利之心而僞行善事。此勸人爲惡。非爲善也。即使盡如袁黃所勸。正孟子所謂要棄必亡者耳。三代以上。未嘗有此勸法。而爲善者衆。自漢以

來爲因果報應之勸者日益精工而人心益下不可謂非彼說之罪也。今日雖極聰明長厚人無不爲所惑亂矣。爲孔孟之徒者不亟起而正之更誰望邪。獨此文講天字洞徹公私義利之原有觸於中不避世之忌諱附辨於此。

仁義忠信樂善不倦惟其共樂所以貴也。惟其共貴故曰天也。程子曰天卽理也。

樂善不倦似是修字中事如何說入天爵不知民之秉彝故好是懿德是天理合下當如此。古人修而不要也只還他固有耳。爲要人爵而修便已不樂那得不倦此棄字病根早已生成也。今人讀書作文何嘗有所樂在焉只爲富貴利達由此不得不然耳。則是初上學時早已棄絕天爵矣。故先儒教人尋孔顏樂處。

古之人修其天爵節

修其天爵。對定要棄二字說纔精切。

修字中。便有不要不棄根原在。

修天爵。便與要人爵之修不同。人爵從。并與得人爵之人爵異。桓榮夸稽古之力。直敗露鄙夫心術矣。

從之。是孟子說中所有。古人意中所無。從字。卽祿在其中意。一人爵從之後。須知始終脩其天爵。緊對下棄其天爵而言。不然。直是入關棄繻。爲小人之尤矣。桓榮稱稽古之力。古今以爲美談。不知最是壞人心術語。此李固所以勉黃瓊也。

天爵有人修在。人爵之從。正有天命在。

錢世喜因其德之大小。以定其秩之崇卑。自有位置古人之人

焉。評人爵隨天爵高下。視其學之淺深。以定其身之出處。更

自有位置古人之天焉。此意尤未發。方見天爵天字。不是

子妄語能道位置古人之天直眼空三代以下

巢許一流所修原非天爵不算在帳內

今之人修其天爵節

此章本爲爭羶逐臭者而發觀此節要人爵棄天爵兩言正是孟子曲揣人情嘻笑怒罵處

見處纔落時命作用便看此章書理不徹此節曰要曰棄前半截如此後半截如彼人道是兩截人我道原是一截由後半截看來知他前半截已不好了也故讀書人終身志節全在初上學時立心便須端的不然才人名士下梢頭都靠文字不著便是要棄必亡榜樣

由其可棄知其修時是要由其爲要則其所修亦非真仁義忠信矣朱子謂孟子時尙有修天爵以要人爵者今直廢天爵以要

人爵如五霸假仁義。今之諸侯并不假矣。就時文言之。隆萬以前先輩崇尚實學。視制義極重。自萬曆末年至今日。視制義日益輕。士大夫無不以時文爲爛惡不堪之物。當其開筆試草時已棄之。惟恐不速矣。只緣要公卿大夫在此。不得不爲耳。此豈非要棄實証乎。於是有歸咎時文不善者。不知先輩時文何嘗如此爛惡不堪哉。故做好文字。與做醜文字。其立心便有人禽之分。此便是兩修字不同處。

成弘以前人尙立品。卽科舉亦尋他出來。故其人尙可觀。不似而今一班乞兒相。

真讀書而科名至。尙是修從中事。自萬曆末年揣摩之說興。士人目時文爲敲門磚。言得雋卽棄之也。試問敲門欲何爲。取美官多得錢。廣田園。長子孫耳。然則修敲門磚時。已習成盜賊之心。

安得復有人品事業哉。故凡爲揣摩墨裁之人，不獨其文醜惡，其人必下流鄙夫也。有志者可不戒歟。

孟子曰：欲貴者人之同心也。章

人之所貴者節

良貴卽上章天爵

看今人營營，只是自己看得輕賤，全靠外邊做貴重。畢竟外邊如何貴重得我。

詩云：既醉以酒，節

孟子以仁義爲宗。良貴者仁義也。引詩但取飽字大意。德卽仁義也。仁義之積中爲飽，其彰著於外爲聞譽。

三代以下，惟恐不好名。此言大誤。後生疾沒世而名不稱，三代豈不好名。所好者所以名之實耳。三代下之好名，但在聲華榮利。

上起見正與古之好名相反。其所謂名止就當時贊與一時市乞嘖嘖以爲快意。不知此正古人之所鄙恥而惡者。一好此名終身墮落坑塹。雖有作爲只如無有矣。須知今聞廣譽從仁義來原不是外邊事。

黃澤耀文士苟奔走於要津其勢可以無不得也。而獨不能並得其名。**評**今亦并得名。但得齷齪之名耳。**文**人主望其車馬室廬以生資敬之心。則當之者亦足以自雄矣。**評**此桓榮所謂稽古之力其志識卑鄙極矣。何足以自雄哉。

孟子曰五穀者種之美者也章

熟字原從美字中轉出。看註中恃其美與爲他道之有成兩路夾拶出熟之。只在這條路上做去。便是至美。連熟字亦有名象。餽程期故曰熟之而已矣。不曰熟而已矣。此便是必有事焉而勿

正心勿忘勿助長也。數句道理都包在之而已矣。四虛字中。熟之是工夫。不是工效。

熟下著箇之字。則熟字是用力字。非功候字也。自始至終。由淺及深。都是熟之中事。亦不僅末後一著也。只此二字中。便見必有事焉。心勿忘勿助長。直到鳶飛魚躍活潑潑地。道理具在。俗眼只見得一節皮毛耳。

熟之非已熟也。故只在用力上說。然熟字是火候境界盡處。又須見得之字。纔有著落。

熟之是從生做來。

而已矣。是無所不舉。

熟之只是用力到盡處。

呂子評語正編卷三十四終

呂子評語卷三十四

孟子

毛

正編